

Na osnovu člana 13. stav (4) Zakona o novčanim podrškama u poljoprivredi i ruralnom razvoju ("Službene novine Federacije BiH", br. 42/10 i 99/19) federalni ministar poljoprivrede, vodoprivrede i šumarstva, donosi

**PRAVILNIK O IZMJENAMA I DOPUNAMA PRAVILNIKA
O NAČINU I USLOVIMA OSTVARIVANJA NOVČANE PODRŠKE PO MODELU
POTICAJA PROIZVODNJI**

Član 1.

U Pravilniku o izmjenama i dopunama Pravilnika o načinu i uslovima ostvarivanja novčane podrške po modelu poticaja proizvodnji („Službene novine Federacije BiH“, broj 43/24) u članu 6. stav (1) tačka h) iza riječi: „gazdinstva“ stavlja se zarez i dodaju riječi: „a obračun novčane podrške za prijelazne proizvodnje se vrši u skladu sa iznosom novčanih podrški koja odgovara novom organizacionom obliku.“

Član 2.

U članu 28. stav (4), riječi: „tač. slova „b), d) i e)“ zamjenjuju se riječima: „tačka c)“

Član 3.

U članu 29. stav (4) tačka d) iza riječi: „stanju“ stavlja se zarez i dodaju riječi: „prijave kretanja prodatih junadi i kopije svjedodžbi o zdravstvenom stanju;“

Član 4.

U članu 32. stav (1) tačka c) mijenja se i glasi: „ c) ako proizvodi i prerađuje mlijeko (pravno lice i obrt u sistemu PDV-a) na svom gazdinstvu u skladu sa propisima iz tačke a) ovog stava, klijent ostvaruje pravo na novčanu podršku samo za mlijeko proizvedeno na vlastitom gazdinstvu za maksimalno do 20 litara po grlu mjesečno za ovčje mlijeko i do 60 litara po grlu mjesečno za kozje mlijeko;“

Član 5.

U članu 33. stav (3) tačka c) mijenja se i glasi: „ c) spisak / izvod životnja na imanju iz jedinstvene baze Agencije za označavanje životinja koju izdaje nadležna veterinarska služba;“

Član 6.

U članu 40. stav (3) iza riječi: „ na osnovu“ dodaju se riječi: „broja pčelinjih zajednica iz Obrasca P-1,“

Član 7.

U članu 43. stav (2) iza riječi: „sjetvenim normama (kg/ha)“ dodaju se riječi: „i datumom kupovine sjemena“

U stavu (3) iza riječi: „u aplikaciju,“ dodaju se riječi: „i odredbe iz člana 20. stav (3) tačka c) ovog Pravilnika koje se odnose na Rješenje nadležnog organa o registraciji objekta za preradu“

U stavu (13) riječ: "prije" zamjenjuje se riječju: „do“

Član 8.

Izjava o vlasništvu ovaca/koza koja se nalazi u prilogu Pravilnika se mijenja i glasi:

„I Z J A V A

- vlasništvu ovaca/koza

Kojom ja _____ pod punom moralnom, materijalnom i krivičnom odgovornošću izjavljujem da u svom vlasništvu imam _____ obilježenih ovaca/koza, starijih od jedne godine, za koje očekujem novčanu podršku od Federalnog ministarstva poljoprivrede, vodoprivrede i šumarstva za tekuću godinu.

Brojevi ušnih markica ovaca/koza su:

_____	_____
_____	_____
_____	_____
_____	_____

Također, izjavljujem da ću ovce/koze sa naprijed navedenim brojevima ušnih markica, za koje ostvarim pravo na novčanu podršku, zadržati u vlastitom uzgoju minimalno dvije godine od dana podnošenja zahtjeva za ostvarivanje prava na novčanu podršku i da sam saglasan da vratim dobijena sredstva ukoliko se utvrdi da su navedeni podaci ili priloženi dokumenti neistiniti.

Izjavu dao:

Naziv za pravna lica i obrte / Ime i prezime _____

Mjesto i datum _____

Broj klijenta _____

M.P.

Izjava mora biti čitko popunjena, potpisana i ovjerena u općini ili kod notara za fizička lica, odnosno potpisana od odgovornog lica i stavljen pečat za pravna lica i obrte. Ukoliko se ne ispoštuje navedeno, Izjava o vlasništvu se neće smatrati važećom, što za posljedicu ima odbacivanje zahtjeva za podršku.“

Član 9.

Ovaj pravilnik stupa na snagu narednog dana od dana objave u „Službenim novinama Federacije BiH“.

MINISTAR

Kemal Hrnjić

NACRT

MACT